

**Oqaluuserisassanut nassuiaat.**

(Inatsisartut Siulittaasoqarfiat)

Naalakkersuisut kingoqqutsillutik immikkoortoq 25, Uunga siunnersuut: Inatsisartut inatsisaat nr. xx. xx 2011-imeersoq Inatsisartut inatsisaat nukissiornermi ikummatissat avatangiisinut akitsuutaat pillugu allannguut (Umiarsuarnut timmisartunullu akitsuuteqanngitsumik orsussamik tunisineq), oqaluuserisassatut nalunaarutigaa. Siunnersuutigineqarpoq siunnersuut ulloq 24. marts siullermeerneqassasoq ulloq 6. april aappassaaneerneqarluni ullorlu 13. april pingajussaaneerneqarluni.

Immikkoortoq 65-ip Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersup taamatuttaaq Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq pillugu Naalakkersuisut allannguutissamik UKA2011-imi saqqummiusseqqullugit peqquneqarnissaannik, taamaalilluni inatsisartuni ilaasortat ullumikkut 31-iusut qinersiviup tulliata aallartinnerani 27-iinnanngortinneqarnissaannik Inatsisartut aalajangiiffigisassaattut siunnersuutip tunuartinneqarnissaa Siumup kissaatigaa, taamaasilluni oqaluuserisassanik peerneqarluni.

Ullumikkut ataatsimiinnermi Inatsisartunut ilaasortat Akitsinnguaq Olsen, Siumut aamma Astrid Fleischer Rex, Demokraatit kiisalu Siverth K. Heilmann, Atassut aamma Aqqaluaq B. Egede, Inuit Ataqatigiit taasisarnerit pillugit isumaqatigiissuteqarsimapput.